



Caderno da crítica

Cuestionario Proust: Manuel Iglesias Turnes

[Ramón Nicolás 4 Maio 2016](#)

1.– Principal trazo do seu carácter?

-A timidez.

2.– Que calidade aprecia máis nas persoas?

-A positividade.

3.– Que agarda das súas amizades?

-Que non me fallen.

4.– A súa principal eiva?

– Entre tantas éme difícil dicir unha.

5.– A súa ocupación favorita?

-O meu traballo.

6.– O seu ideal de felicidade?

-Ter o necesario e que o teña todo o mundo.

7.– Cal sería a súa maior desgraza?

-Que lle pasase algo malo ó meu fillo ou á miña filla.

8.– Que lle gustaría ser?

-Mestre ou granxeiro.

9.– En que país desexaría vivir?

-En Galicia. Sempre!!!

10.– A súa cor favorita?

-Os verdes da terra.

11. – A flor que máis lle gusta?

-A do toxo.

12.– O paxaro que prefire?

-Case todos. A xenreira ós corvos é cousa cultural.

13.– A súa devoción na prosa?

-Suso de Toro.

14.– E na poesía?

-Rosalía.

15. Un libro?

–*Cantares gallegos*.

16.– Un heroe de ficción?

-Xan de María.

17.– Unha heroína?

-A súa filla Carmela.

18.– A súa música favorita?

-Folk do país.

19.– Na pintura?

-Antonio López

20.– Un heroe ou heroína na vida real?

-Un heroe, meu pai. Unha heroína, miña nai.

21.– O seu nome favorito?

-Isabel (ou Sabela)

22.– Que hábito alleo non soporta?

-A incontinencia verbal.

23.– O que máis odia?

-Que non se ame o noso: o país, a lingua...

24.– A figura histórica que máis despreza?

-Calquera que podendo facer cousas por Galicia non as fixese.

25.– Un feito militar que admire?

-A revolución dos caraveis.

26.– Que don natural lle gustaría ter?

-Calquera que me permitise crear.

27. – De que maneira lle gustaría morrer?

-De ningunha!!! De ter que ser, en familia, sen dar traballo.

28.– Cal é o seu estado de ánimo máis habitual?

-Arriba e abaixo. Fago todo o que podo por estar arriba.

29.– Que defectos lle inspiran máis indulxencia?

-Os que non teñen solución.

30.– Un lema na súa vida?

-Todo por Galicia!!!